

**From:** UUM CORPORATE COMM.  
**Sent:** Monday, May 20, 2019 4:10 PM  
**To:** UUM - All Staff; UUM - All Students  
**Subject:** Ukhwah Ramadan Bersama SMK Changlun Erat Hubungan Bersama Masyarakat Setempat



**UUM Corporate Comm.**  
**Universiti Utara Malaysia**

20 MEI 2019 / 15 RAMADAN 1440H  
=====

"UUM : UNIVERSITI PENGURUSAN TERKEMUKA"  
(THE EMINENT MANAGEMENT UNIVERSITY)

Berita dan gambar oleh: CUIC

### **UKHWAH RAMADAN BERSAMA SMK CHANGLUN ERAT HUBUNGAN BERSAMA MASYARAKAT SETEMPAT**



**UUM ONLINE:** Mengambil keberkatan di bulan Ramadan ini, Pusat Kerjasama Universiti-Industri UUM (CUIC) telah mengadakan aktiviti bersama pelajar asnaf dari Sekolah Menengah Kebangsaan (SMK) Changlun dalam program Ukhwah Ramadan CUIC, baru-baru ini.

Pengarah CUIC, Prof. Madya Dr. Marlin Marissa Malek berkata, program yang disertai semua staf CUIC dimulakan dengan aktiviti penyediaan bubur lambuk di Pusat Islam yang turut disertai 10 pelajar SMK Changlun.

Menurutnya, Ukhwah Ramadan CUIC bertujuan untuk mengeratkan hubungan silaturrahim dan turut memberi gambaran pentingnya hubungan kemasyarakatan dalam kehidupan seharian dalam kalangan staf CUIC.

“Sepanjang program ini, pelajar berpeluang menyediakan kuih tradisional iaitu kuih biji nangka yang dianjurkan pelajar Kelab Wartawan, Program Teknologi Media, SMMTC bagi tujuan edaran sebagai juadah berbuka puasa kepada warga UUM.

“Selain itu, bubur lambuk juga dijadikan menu sampingan berbuka puasa bersama pelajar kurang berkemampuan dan pihak pengurusan SMK Changlun,” katanya.

Majlis berbuka puasa tersebut turut diserikan dengan tazkirah ringkas yang disampaikan Ustaz Mahamad Redho Aripin dari SMK Changlun..

Sementara itu, pelajar, Bankole Oluwasegun Samson dari Pusat Pengajian Pengurusan Perniagaan (SBM) yang menjalani latihan praktikum di CUIC turut mengambil peluang ini untuk menjalani ibadah puasa bagi mendapatkan pengalaman berbuka puasa bersama-sama pelajar SMK Changlun.

Tidak ketinggalan Takuya Kataoda, pelajar mobiliti dari Kyoto Sangyo University, Jepun yang telah cuba untuk berpuasa selama tiga hari untuk merasai pengalaman berpuasa bersama-sama staf CUIC.

Pada majlis yang sama, Dr. Marlin Marissa Malek menyampaikan sumbangan kepada anak-anak asnaf SMK Changlun kepada Pengetua SMK Changlun, Saridan Abdul Hamid.

Sumbangan itu adalah hasil kutipan daripada staf CUIC dan masyarakat setempat sebagai persediaan membeli keperluan Hari Raya Aidilfitri yang bakal menjelang tiba.

Hadir sama, Pengerusi Program Bahagian Jaringan Masyarakat, Suwannit Chareen Chit; Penolong Kanan (Hal Ehwal Murid), SMK Changlun, Dunian Ahmad dan guru SMK Changlun serta staf CUIC.



 Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.